

gèr 98

Revista de debat



Des d'aguesta publicacion voleríem arténher es vòstes cases ara fin de mantier ua mès intensa comunicacion damb toti vosati. Ja sabetz qu'acceptaram totes es suggeréncies que mos hésquetz arribar ena sedençà d'UNITAT D'ARAN.

Eth Govèrn deth Conselh Generau incapàç d'apraiari era carretera entre Vielha e Baqueira. Aguest continue estant un des principaus problèmes entath nòste torisme, e es madeishi poblants d'Aran que se ven obligadi a hèr longues cues, tant tà accedir as pistes de esquí coma tà retornar tás sòns otèls, o tás sues cases.

Maugrat es partides iniciauament presents enes Pressupòsti Generaus dera Generalitat pendent aguesti dus darrèri ans, eth Govèrn deth Conselh Generau non a artenhut qu'aqueres partides s'invertissen en aguesta òbra. Contràriament e en aute costat deth pòrt dera Bonaigua, en Pallars, era Generalitat a invertit en dus ans 1.300 milions de pessetes tara varianta des Avets, per a on, en tot er iuèrn non circularan es veïculs qu'en un cap de setmana haran eth trajècte Vielha-Baqueira. A on ei era influéncia des politics de Convergència democràtica aranesa en govèrn de Catalonha... ?

Eth nau assesor de torisme mos còste as aranesi cinc milions de pessetes. Aguest senhor qu'abantes aucupaue eth cargue de Director Generau ena Conselheria de torisme e qu'ei tanben assesor des nòstres comarques vesies (Ribagorça, Pallars...) s'empòrte un 20 per cent des sòs dera transferencia de

torisme. Non volem méter en dubte era sua capacitat, qu'encara ei per demostrar, mès pes aparençes, sembla, qu'un còp mès Convergència a adjudicat aguesta asseroria a dit, sense concors public e damb clares intencions de beneficiar as deth sòn color politic, com ja ei costum.

Unitat d'Aran vò qu'eth Conselh ajude a mantier eth Palai de Gèu. Vista era fucion sociau que desenvolope aguesta installacion damb es mainatges aranesi e es dificultats der Ajuntament de Vielha tà assumi-ne es nauti còsti de fucionament, serie de besohs era participacion econòmica dera maxima institucion aranesa, donques dera installacion se'n beneficien toti es abitants d'Aran.

Er aranes ei eth gran desbrembat dera lei de politica lingüistica de Catalonha. Maugrat eth tèxte consensuat ena sedençà deth Conselh Generau entre toti es grops politics d'Aran, eth resultat ei qu'er aranés a demorat clarament e manifestament marginat en favor deth catalan. Atau en tot qu'ena lei deth 83 er aranés i ère present en un capitol especific, era naua lei sonque le referéncie tot hènt-ne mencion en quaqui paragafs.